

山東東昌府恩縣鄉土志

卷之四

五

部

光緒戊申九月

山東東昌府恩縣鄉志

盱眙汪鴻孫書首

恩縣鄉土志序

且以人之為學也自少而壯而老心不為不盡力不為不竭叩以鄉里之事茫然不知是豈才智之不逮耶由於學非所學耳士人生長一方則一方之山川土風人民物產皆足啟發其聰明使於習見習聞者而忽之奚言域外乎泰西各國咸重中學雖課目不同要皆以鄉土志為入學之先務蓋童蒙之學莫切於此也

朝廷勵精圖治首重學堂

欽定小學堂章程分歷史輿地格致三科而以鄉土志賅之立法善矣恩邑舊歲奉飭編輯鄉土志前令未及舉辦倏促遷調戊申春鴻孫攝篆斯邑披閱邑乘殘闕失次

蓋縣志修於雍正元年至今一百八十餘載匪特糝糊難辨板之存者僅十之二三不禁惻然第以南經蒞任事務冗繁有志修明力實不逮因思目前所窳急者莫如鄉土志乃於簿書之暇考逸事訪遺民進邑之文人而商榷之適在平劉君儒臣以重修通志採訪來恩弗辭珥筆之勞不越月而脫稿成是役也慕諸君任事敏成功速爰綴數語以述其顛末如此

光緒三十四年歲次戊申九月

知恩縣事盱眙汪鴻孫謹序



恩縣鄉土志目錄

歷史

置本境之緣起
未置本境之前

唐虞夏商周之沿革

晉南北朝之沿革

隋唐之沿革

後五代之沿革

宋及元初之沿革

明代之沿革

國朝之建置

政績錄

恩縣鄉土志

漢

晉

南北朝

北齊

唐

宋

金

元

明

國朝

兵事錄

周

東晉
南北朝

隋

唐

五代

宋

金

元

明

國朝

者舊錄

漢

恩縣鄉土志

二

三國

北魏

北齊

隋

唐

宋

金

元

明

國朝

附

名宦祠

鄉賢祠

忠義祠
節烈祠

人類

戶口

閩境民數

男口數目

女口數目

氏族

宗教

回教人數

天主教人數

耶穌教人數

恩縣鄉土志

三

實業

士數

農數

工數

商數

地理

縣境四界

鄉圖數目方向

古蹟

祠廟

坊表

橋梁

市鎮
學堂

山

水

河
人力開通之河

道路

物產

動物天然產

植物天然產

動物製造產

植物製造產

恩縣鄉土志

四

商務

本境行銷之品
運出本境之品

歷史

置本境之緣起

本境之名恩也始於宋慶歷八年文彥博平王則之亂表請改貝州為恩州其稱恩縣也肇自明洪武二年降州為縣屬東昌府高唐州

朝定鼎之初雖因其制然屬之東昌府不屬高唐州則本境之置仍應

斷自

國朝

未置本境以前

唐虞夏商周之沿革

唐虞夏商周地屬兗州之域春秋屬齊里邱地戰國時為趙平原君封邑秦屬鉅鹿郡漢為東武城郟東陽三縣地屬清河郡領縣十四題

恩縣鄉土志

五

信鄉幕靈郟歷貝丘信城東陽

東漢廢東陽入郟屬清河國

領縣四貝

縣西北六十里有漢東陽古城按方輿紀要東陽春秋時為晉地

左傳昭二十二年荀吳畧東陽又趙勝率東陽之師以追齊是也

戰國時為衛地後屬趙戰國策國子曰兼魏之河南絕趙之東陽

則趙魏亦危矣又韓非謂應侯弛上黨以臨東陽則邯戰口中蠱

也史記趙世家惠文王十八年王再之衛東陽決河水伐魏氏大

潦漳水出王氏曰自漢以前東陽大抵為晉太行山東地非有城

邑也楚漢之間始置東陽郡漢置東陽縣屬清河郡後廢

東陽故城在貝州歷亭縣界地

晉南北朝之沿革

晉因舊制

文獻通考云領縣六貝邱

南宋北魏皆為清河郡

領縣四

師邱靈周武帝建德六年平齊罷郡置貝州縣屬焉
縣北有索盧廢縣按隋書地理志漳南有後魏故索盧城隋廢入
按魏書地形志長樂郡領索盧縣晉屬廣川神瑞二年併廣川太
和二十二年後置有索盧城

隋唐之沿革

隋開皇六年復置東陽縣屬德州十六年析置厯亭縣屬清河郡十
八年又改東陽為漳南縣屬貝州大業二年復改州為郡唐武德四
年復名貝州六年徙治厯亭八年復治清河天寶元年又改州為清
河郡省漳南縣入厯亭

恩縣西北有漳南縣舊址今名漳南鎮按方輿紀要開皇六年置
東陽縣十八年改為漳南縣大業十一年竇建德起兵漳南既而
劉黑闥亦舉兵於此

恩縣鄉土志

厯亭有漳南鎮

王存九域志
金史地理志

厯亭有故唐清河郡

唐書地理志

厯亭縣西南至貝州一百里本漢東陽縣地屬清河郡後漢省東
陽其地屬郟縣開皇十六年於此置厯亭縣遷取漢厯縣為名皇
朝因之元和志

後五代之沿革

五代晉罷郡於貝州置永清軍節度使

宋及元初之沿革

宋慶厯八年郡人王則作亂命文彥博討之誅則而宥其餘黨乃請
命改貝州為恩州建炎後沒於金金徙州治厯亭領縣五厯亭武城
屬大名府路元至元二年省厯亭入州先割清河縣屬高唐州惟存厯亭
一縣及司俱省入州屬東平路七年折隸省部

明代之沿革

明洪武二年降州為縣屬東昌府高唐州七年徙治縣東四十里許

官鎮即今

國朝之建置

聖朝定鼎之初仍前明舊制然屬之東昌府不屬高唐州既置本境以後二百年來悉遵其舊焉

思隸齊趙之交其分合變遷自古及今不知凡幾歷考地輿諸書其記載互有異同真偽雜居殊難辨詰是編所輯謹依郡縣兩志不敢妄為增減其疏漏之處以俟博學之君子

政績錄

漢

馮遂成帝時為清河郡都尉建言浚屯氏河以洩暴水弗用後三歲河決

晉

王覽瑯琊人武帝時應本郡召遷司徒西曹掾清河太守有治行累官光祿大夫

南北朝

杜纂字榮孫常山人明帝初拜清河內史問民疾苦勸督農桑後遷平陽太守清河人頌纂德政乞重臨郡詔許之後魏書本傳

房景伯清河繹幕人仕北魏初為齊州輔國長史後除清河太守郡民劉簡虎曾失禮於景伯聞其臨郡閭家逃亡景伯督捕之即署其

恩縣鄉土志

子為西曹掾命諭山賊賊以景伯不念舊惡一時俱下論者稱之將代郡民乞留復加二載祀名宦房法壽傳後

北齊

辛術隴西人由尚書右丞出為清河太守有能名遭父憂去清河人詣闕上疏立碑頌德祀名宦北齊書本傳

宋世良廣平人以殿中侍御史出為清河太守郡東南有曲堤成公一姓阻而居之羣盜多萃於此人為之語曰寧渡東吳會稽不歷成公曲堤世良施八條之制盜奔他境民又謠曰曲堤雖險賊何益但見宋公自屏跡後齊天祿中大赦郡無一囚郡吏拜詔而已獄內櫓生桃樹蓬蒿皆滿冬月醴泉出界內及代至傾城祖道父老數百人以上書請立石頌德

唐

狄光嗣太原人仁傑子歷淄許貝三州刺以稱職聞
宋

安忠洛陽人太宗時知貝州有劇賊為民患忠捕之悉獲

馬知節字子元幽州人真宗時知貝州賦性剛直待民和平庭無留
事鄉里安靜去之日屬縣爭餞之出境卒

文彥博介休人仁宗時王則反彥博以參知政事為何北宣撫使討
平之祀名宦舊志

金

張好古南宮人晉亨子中統初為恩州刺史訪民瘼革吏弊立為條
約民甚便之舊志

耶律伯堅桓州人世祖時為恩州同知有循良之政民親戴之凡賦
役有重者輒曰寧得罪於上不得罪於下力諍止之舊志

恩縣鄉土志

九

元

郭仲彬良鄉人為恩州達魯花赤剔蠹懲奸老吏心折後卒於官遂
家焉今為邑著姓

明

堵昇山陰人成化間知恩縣廉潔剛正鼎新學宮祀名宦

李希哲鄭州進士成化間知恩縣興廢舉墜百度維新士民思之不
忘祀名宦

李泰聞善舉人宏治間知恩縣剛明廉介勤政惠民祀名宦

張寧大同舉人正德二年知恩縣政尚嚴明除奸去弊不妄費民財
遇早有禱即應祀名宦

呂應祥字伯徵雄縣舉人嘉靖間知恩縣漳水橫逆漂壞田廬應祥
多方營救民捕魚拾蛤自給無轉徙者安治大猾數人良善以安陞

高唐州知州

韓屏彙城舉人隆慶間知恩縣邑困於供應痛自裁損罷遣冗役百人使者至僅具車馬而已清約自矢室人操井臼自給擢府同知孫居相字拱揚沁水人萬曆壬辰進士知恩縣邑當孔道苦郵傳居相斟酌賦役民稍休息地近河浸於水開渠洩水出民於汙萊歲饑開倉賑濟又修城代賑不兩月而工竣立保伍嚴斥堠盜賊屏迹給牛種闢荒土流民占籍者千餘家修邑志行取御史士民設像祀之

國朝

王天鑑字近微直隸宣化縣人順治丙戌進士知恩縣平寇安民為一邑保障建育英書院課士招撫流亡墾荒田八百頃有奇轉郎中民立生祠祀之

陸輅江蘇常熟人康熙間知恩縣建尊經閣購書其中民立祠祀之

恩縣鄉土志

十

張民望奉天人康熙間由廕生知恩縣事編次里甲催科不擾以臨米二麥編入大糧民甚便之

曹維翰貴州威遠縣人康熙間由舉人知恩縣事修學宮重農桑與民休息有生祠

陳學海江西永豐縣人雍正間知恩縣建書院修縣志輕徭減稅士民思之

崇亮鑲黃旗滿洲中福佐領下人道光間知恩縣居官勤慎洞達民情於民之訟者反覆開諭必使心服而去有古循吏風

陳恩壽浙江山陰縣人同治元年知恩縣事性廉直有不便於民者必指陳利害力請於上官去之聽訟無冤獄人服神明在任四年吏民悅服

梅纘高字卓菴江蘇江甯縣人同治五年為恩縣令時有大股鹽梟

携帶鎗炮竄入恩境為地方害繼高會同黃參戎合力堵剿獲賊首數人餘皆逃散七年擒匪張總愚竄擾繼高督鄉民於馬頰河東岸修築長牆協力拒守賊不敢入縣屢被水開引渠一道以分水勢民免昏墊後以疾告歸士民思之

胡春華號小卓江蘇清河縣人同治十三年知恩縣勤政愛民嚴賊盜命案不拖累一人在任未久旋奉母諱歸民至今思之

陶錫祺號銓生江蘇陽湖縣人光緒四年知恩縣事有理繁治劇之才遇事不勞而理在任三年以治最稱升臨清州

丁雲翰號霖園河南洋符縣人同治戊辰進士光緒六年任恩縣知縣蒞政以寬視民如子杜請託省刑罰加惠士類恩撫莞民旋丁母艱歸長子其廉以知縣指分山東光緒三十三年護恩縣篆

程方德號嘯岩江西新建縣人光緒十五年由舉人知恩縣事才識

恩縣鄉土志

十一

明敏寬嚴中節尤重學校每月集生童課藝手定甲乙以示激勸邑人稱之

潘民表字振聲江蘇陽湖縣人祖籍浙江光緒二十年由舉人知恩縣事縣有沙河屢為民害下車後捐俸築堤晝夜督修不辭勞瘁時有武城縣民恐堤成水不下瀉旁溢鄰村糾眾攔阻人情洶洶勢將生變民表反覆開諭阻益力後稟上憲眾始肅然堤成復濬河建閘規復舊制保全二百餘村補平度州升泰安府知府後以績保道員指分陝西歷辦農工商礦及土釐等局務均資得力三十一年奉委接辦同官磁窑卒於差次事聞奉

旨事實宣付

國史館立傳

秦應達字鴻軒湖北孝感縣人光緒庚子以進士知恩縣事下車即

詢民瘼凡有益於民者無不次第舉行時有義合拳匪以仇教為名
愚民被誘多有入其黨者應遠已出示嚴禁適有駐防某營獲匪首
一名係武城曹姓上憲聞知欲起大軍剿蕩應遠請曰匪首已伏辜
餘悉良民也敢以家口為保事遂寢民至今懷之
李維誠字恂伯順天大興縣人祖籍江蘇陽湖縣光緒二十四年進
士知恩縣事刑清政簡潔已愛民先後在任九年創工藝勸農桑改
立學堂風氣賴以開通陞臨清直隸州去之日攀轅卧轍者接於境
外

兵事錄

周

景王二十五年夏荀吳畧東陽春秋傳

報王三十四年趙惠文王之衛東陽決河水伐魏氏史記

東晉

咸和八年趙丞相石虎以羗師姚弋仲率衆數萬居清河之攝頭通鑑

孝武帝十二年翟遼叛燕遣兵與王祖張申寇抄清河平原通鑑

義熙元年青州刺史劉該反魏清河陽平太守孫全聚衆應之晉劉

裕將兵斬該及全通鑑

南北朝

宋明帝泰始二年清河廣川二郡太守王元邈起兵應建康討安王

恩縣鄉土志

勛通鑑

梁武帝大通元年魏清河民房項反自署大都督據昌國城通鑑

隋

煬帝大業九年清河賊張金稱等聚衆各數萬十一月馮孝慈討張

金稱於清河孝慈敗死本傳

十二年三月張金稱陷平恩一朝殺男婦萬餘口楊義臣討張金稱

於平恩東北敗之金稱逃於清河楊善會擒金稱令仇家割食之通鑑

唐

武德元年竇建德將程名振率衆千餘掠貝州縣志

四年劉黑闥自貝州反陷鄒縣魏州刺史權威貝州戴元祥皆戰死

通鑑

代宗廣德九年魏博節度田承嗣誘朝義將吏使作亂通鑑

李寶臣李正己進圍貝州田承嗣出兵救之通鑑

穆宗長慶元年冬十月王庭湊寇貝州本紀

五代

光化二年幽州節度使劉仁恭陷貝州人無少長皆屠之本紀

貞明二年九月晉人圍貝州州人出降晉王以毛璋為貝州刺史

宋

唐同光四年二月趙在禮反於貝州李嗣源討平之舊志

咸平三年契丹引兵犯貝魏諸州寇準請帝幸澶淵通鑑

慶曆八年貝州宣義卒王則據城反命文彥博明鎬討平之改貝州為恩州

建炎元年金王善龍襲恩州知州陳淬子仲剛死之舊志

恩縣鄉土志

十四

寶慶元年李全攻恩州彭義斌敗之通鑑

金

大定二十一年恩州民鄒明等亂言伏誅舊志

元

太祖十九年彭義斌侵河北元史天倪與戰於恩州敗之元紀

明

正德六年霜州盜劉六劉七等掠恩州詔遣兵部侍郎陸完討之

萬曆十七年恩縣土寇掠鄉村至城下縣志

國朝

順治二年土寇掠恩縣三年土寇高二領張二晃等為亂知縣王天

鑑大破之至六年始平

咸豐四年五月初二日李逆開方糾賊數百名自連鎮南竄我兵尾